

مکرمه فی الدخیل

❁ ادبی و سیاسی رساله اسبوعیه در ❁

۳۱ نجی سنه

۲ ذی الحجه ۱۳۲۹

❁ پنجشنبه ❁

جزء و عدد : ۱۲۲

طرابلس غرب

طورغود رئیسدن استمداد ۱

هجوم ابتدی ایتالیانلر کسبلدی برنجی برنورد
سکوت ایتدک ینه حتی کوزتدک یاغمدق بویقود
بوتون عثمانیلر سندن نیاز ایتدکده در طورغود
اویان آرتق دونخایه رئیس اول دشمنی قورقود
ینه طوراغمزدن کیتسون ناحق یره بریورد

★

مقدسدر بیلر سین محترم عثمانلی سنجاغی
اولورمی بر زمانده دشمن دینک اویونجاغی
اولور البت مینک حضرت حق شیمدیر چاغی
اویان آرتق دونخایه رئیس اول دشمنی قورقود
ینه طوراغمزدن کیتسون ناحق یره بریورد

★

صارلوق هب سلاحه حاضرز، دلتشنه بز حربه
بزی لطف ایله آلدیر برکون اول جانب غربه
ایتالیانلر یعنی ایلپورلر بر بیوک ضربه
اویان آرتق دونخایه رئیس اول دشمنی قورقود
ینه طوراغمزدن کیتسون ناحق یره بریورد

★

بتون آواز استمدادمن الله اکبردر
بزمه باربارو سلرله مجاهدلر برابردر
بزه چند سموات وزمین البتہ رهبردر
اویان آرتق دونخایه رئیس اول دشمنی قورقود
ینه طوراغمزدن کیتسون ناحق یره بریورد

★

۱) سابقا بحریه مستشاری طلعت مک افندیکن نشیده لریدر .

مکبر لر او یان بر صبحدم تهلل ایلرکن
 او یان چیق برمهات مرقدگدن سن دخی ایرکن
 کشاد ایت هر چه بادآباد سوی دشمنه یلکن
 او یان آرتق دونماید رئیس اول دشمنی قورقود
 ینه طو پراغمزدن کیتسون ناحق یرم بر یورد

*

سنک بز بر طرفدن قدریگی ایلر ایکن اعلا
 ایشالیانلر رومی خاک پاکک ایتسون استیلا
 او یانمازسهک چیقار عرشه قدر فریاد و واویلا
 او یان آرتق دونماید رئیس اول دشمنی قورقود
 ینه طو پراغمزدن کیتسون ناحق یرم بر یورد

*

دوکودی غرب ایچون وقیله دریالر قدر قانلر
 طوتودی سینه لردن تیر خصمه قارشو قانلار
 سزادر شیمدی تشکیله آتی تسخیره قانلار
 او یان آرتق دونماید رئیس اول دشمنی قورقود
 ینه طو پراغمزدن کیتسون ناحق یرم بر یورد

*

دکل تسکینی قابل باشقه بر درلو بو آلامک
 بوری توفیقنه بر استناد ایت رب علامک
 بوکون امید ایچی سنده قالدی اهل اسلامک
 او یان آرتق دونماید رئیس اول دشمنی قورقود
 ینه طو پراغمزدن کیتسون ناحق یرم بر یورد

*

شهید آ دالدی بحر رحمت رحمانه همنامک
 بوری آل انتقامک سن دخی سل ایله صمصامک
 باتیر بر بر دونماین عدوی دوزخ انجمامک
 او یان آرتق دونماید رئیس اول دشمنی قورقود
 ینه طو پراغمزدن کیتسون ناحق یرم بر یورد

*

عدو قورصانلری دریاده در هپ بللی ایزلردن
 اویان کج پر مهابت ، پرشجاعت بر ده کزلردن
 دونخانک سنی سیر ایلور سنجاغی سگزلردن
 اویان آرتق دونخابه رئیس اول دشمنی قورقود
 ینه طوبرانغزدن کیتسون ناحق یره بر یورد

*

بوتون تحلیل ابدلی دشمنک اسرار و الغازی
 بوکون تهدیدینک تحتنددر درنه یله بنغازی
 قوشان شمشیر پرفوز جهادی طورمه ای غازی
 اویان آرتق دونخابه رئیس اول دشمنی قورقود
 ینه طوبرانغزدن کیتسون ناحق یره بر یورد

*

حقوقک قالمدی بین الملل احکامنه حرمت
 نتیجه غالب اولدی حق وعدله قوت و قدرت
 صاربلقدر سلاحه بزجه شیمدی واجب ذمت
 اویان آرتق دونخابه رئیس اول دشمنی قورقود
 ینه طوبرانغزدن کیتسون ناحق یره بر یورد

*

حکم هیئتلیله قونفرانس لر لغو ایلله لاهی
 بلوفدندر عبارت اکلاشیلیدی جلسه لاهی
 کتیرسنن ای مجاهد خاطره بر غیره الهی
 اویان آرتق دونخابه رئیس اول دشمنی قورقود
 ینه طوبرانغزدن کیتسون ناحق یره بر یورد

*

ویرلز بر زمانده دشمن دینه بواسطقلال
 چیقاردی لشکر خونخواری غربه ایلدی اشغال
 نهدن صبر ایلورسین سویله ای غازی فرخ فال
 اویان آرتق دونخابه رئیس اول دشمنی قورقود
 ینه طوبرانغزدن کیتسون ناحق یره بر یورد

*

بونی کوردی کوزیله انکلیز ، ساثر مسافر لر
بتون دولتله بیلدیرد لر بر چوق مختابر لر
چو چوق ، ارک ، قادین معصوم جانلر کسدی کافر لر
اویان آرتق دونخایه رئیس اول دشمنی قورقود
ینه طویر انجزدن کیتسون ناحق یره بر یورد

*

معینی اوله ده بر آ فتوحات ایشته عربانک
سنگ ده خضر ایله الیاسدر بحر آ نکمپانک
چکوب بر کره کوستر دشمنه شمشیر تابانک
اویان آرتق دونخایه رئیس اول دشمنی قورقود
ینه طویر انجزدن کیتسون ناحق یره بر یورد

*

تجاوز فکری وار بحر سفیده بولدی دشمن یوز
کیک یوقسه آتیل دریایه باری ای مجاهد ، یوز
یتش بر ساعت اول ساحا قویه بزی اوکسوز
اویان آرتق دونخایه رئیس اول دشمنی قورقود
ینه طویر انجزدن کیتسون ناحق یره بر یورد

